

JU OŠ „6.mart“ Hadžići

BEHAR

mart, 2024.godine

Život je prilika - iskusi je
Život je ljepota - divi joj se
Život je san - učini ga stvarnim
Život je izazov - suoči se s njim
Život je zadatak - izvršavaj ga
Život je igra - igranj se
Život je dragocjen - njeguj ga
Život je bogatstvo - čuvaj ga
Život je ljubav - uživaj je
Život je tajna - pronikni je
Život je obećanje - ispunij ga
Život je tuga - prevaziđi je
Život je himna - pjevaj je
Život je borba - prihvati je
Život je tragedija - uhvati se s njom u
koštac
Život je avantura - usudi se
Život je sreća - zasluži je
Život je život - brani ga."

-Majka Tereza

Vijeće učenika JU OŠ "6. mart" Hadžići



Fatih Merjem



Bećirović Ajnur



Tufo Nadža

VI



Japalac Amar



Mešak Suana



Horman Omer



Kulenović Samra



Čović Adin



Čović Naida

VII



Huseinović Samed



Balta Amna



Pendek Amar



Bućuk Lamiya



Aladžić Hanan



Fatić Adna

VIII



Čorović Emir



Čiko Lejla



Malagić Sarah



Akšamović Merjem



Mulagić Anadin



Madžak Džejlana

IX



Aladžić Ajna



Drina Amina



Gaćanović Ema


Školska 2023 / 2024

Niz talentovanih učenika naše škole!



Dana 13.3.2023. godine u JU OŠ „9. maj“ Pazarić, Sarajevo održano je općinsko takmičenje iz predmeta informatika.

Našu školu su predstavljali učenici Mahir Dupovac, Almin Šarić i Amin Šarić. Osvojili su 2. mjesto. Učenike je za ovo takmičenje pripremao nastavnik Adnan Horman.



Takmičenje je održano 5.4.2023. godine u prostorijama JU OŠ „6. mart“ Hadžići.

Na nivou osmih razreda našu su školu predstavljali sljedeći učenici:

Džejlana Madžak

Almin Šarić

Amin Šarić

Predstavnici devetog razreda bili su:

Faris Bašić

Merjema Proha

Bilal Zuko

Najbolji pojedinačni rezultat ostvario je učenik IX r. Bilal Zuko osvojivši 1. mjesto. Ekipno učenici naše škole su ostvarili odličan uspjeh i zauzeli 1. mjesto u ukupnom plasmanu škola, kao i na nivou VIII i IX razreda.

Čestitamo nastavnici Majdi Šarić i učenicima!



Kantonalno takmičenje iz engleskog jezika održano je u OŠ „Meša Selimović“ Sarajevo. Našu školu je predstavljao učenik Adi Hodžić. S tri boda manje od prvoplasiranog osvojio je 6. mjesto.

Učenika je pripremala nastavnica Nermina Selimović.

Učenici sedmih razreda osnovnih škola s područja općine Hadžići i općine Trnovo u četvrtak, 27.4.

2023. godine, takmičili su se iz nastavnog predmeta historija, oblast: **Historija Bosne i Hercegovine**.

Fokus takmičenja bio je na tematskoj oblasti **Srednjovjekovna bosanska država**, s obzirom na važnost isticanja korijena bosanske državnosti i kulturno-historijskog naslijeđa srednjeg vijeka.

Učenici takmičari: Daris Vatić, Adin Mekić, Jusuf Fišo, Ajna Koro, Sumeja Hasanović i Lamiya Bučuk. Učenike je pripremao nastavnik historije Enes Kazazović.

Plasman škole 2. mjesto





OPĆINSKO TAKMIČENJE IZ TEHNIČKE KULTURE,
25.4.2023. godine.

Rezultati učenika naše škole:

1. Nađa Đelko - V r. - III - mjesto
2. Samra Kulenović- VI - r. - I - mjesto
3. Ilma Bahtanović- VII r. - IV - mjesto
4. Džejlana Madžak - VIII r. - I - mjesto
5. Adin Turajlić - IX r. - II - mjesto

Praktičan rad 1. mjesto

Ekipno 1. mjesto

Predmetni nastavnici:

1. Nihad Gavranović
2. Elmaz Selmanović

OPĆINSKO TAKMIČENJE U ODBOJCI

U sportskoj dvorani JU „Kulturno-sportski i rekreacioni centar Hadžići“ održano je općinsko takmičenje u odbojci.

Na takmičenju je učestvovalo osam ekipa iz četiri osnovne škole s područja općine Hadžići.

Na ovom takmičenju našu su školu predstavljali: Amar Đurđević, Imran Madžak, Ismail Ljuma, Ismail Zahirović, Amin Šarić, Almin Šarić, Hajrudin Šehić, Nedim Homarac, Benjamin Čengić, Faris Ferhatović, Fikreta Zahirović, Ena Osmanović, Irmina Horman, Ajna Alađuz, Hana Đelilović, Emina Crnovršanin, Amina Begović, Amina Drina, Erna Korjenić, Amna Drina i Ema Gačanović.

2. mjesto /dječaci

4.mjesto /djevojčice

Nastavnica: Medina Mehanović





Školsko kvalifikaciono takmičenje/natjecanje iz saobraćaja, završeno je 19.5.2023. godine, a realizirano je elektronski popunjavanjem online testova.

Učesnici:

Djevojčice:

1. Hana Mujić
2. Larisa Mujić

Dječaci:

1. Omer Horman
2. Danis Čović


Učešće.

KANTONALNO TAKMIČENJE IZ VJERONAUKA

12. mjesto Daris Čaušević

30. mjesto Samra Duraković

Čestitamo!



Revija kulturno-umjetničkog stvaralaštva

U prostorijama naše škole održano je općinsko takmičenje učenika osnovnih škola s područja općine Hadžići iz oblasti Revija kulturno-umjetničkog stvaralaštva.



Zovem se Adin Mekić. Učenik sam 8. razreda OŠ „6. mart“ Hadžići i 5. razred Muzičke škole Ilidža. Odličan sam učenik. Član sam raznih sekcija, ali sam najuspješniji u literarnoj sekciji.

U 2023. godini, ispred literarne sekcije iz oblasti književnosti, predstavljao sam školu i općinu u raznim gradovima i državama i postigao sljedeće rezultate: na javnom konkursu JU Muzej „Alija Izetbegović“ osvojio samo 2. mjesto na državnom takmičenju; na Međunarodnom festivalu dječije poezije „Dječije carstvo 2023“ koje je održano u Banjoj Luci osvojio sam 3. mjesto; na konkursu koji je objavila Bošnjačka zajednica kulture „Preporod“ na nivou BiH, na temu: „Za sreću doma i naroda“ moj rad je proglašen istaknutim, a uvršten je i u knjigu pod „Za sreću doma i naroda“; na obilježavanje 31. godišnjice formiranja 9. bbr. na općini Hadžići, osvojio sam 1. mjesto za literarni rad i 2. mjesto za likovni rad; na međunarodnom takmičenju „Trenutak uspomena“ iz literarnih radova koje je održano u Hrvatskoj, u gradu Zaprešić, učestvovali su učenici iz osam država, a moj je rad proglašen u Dvorcu bana Josipa Jelačića kao najbolji rad na međunarodnom takmičenju.



Svojatali su Bosnu i Bošnjake svi kojima je njena ljepota oduzimala dah. Kada je nisu mogli prisvojiti, udruženim snagama kroz vijekove i ratove pokušavali su je uništiti. Granice rušili, zidove razarali, zemlju cijepali, krv i tijelo izgarali u plamenu neobuzdane želje da istrijebe Bošnjake. Kakve su sve sile zinule da je progutaju. Kakav je otpor pružala dok su krvave rijeke tekle. Ti koji udišeš slobodu, da li osjetiš miris krvi u njoj? Ti koji hodiš dunjalukom, da li vidiš njihove tragove borbe?! Tragove onih čiji je prkos iskovan pod hladnim i gordim bosanskohercegovačkim planinama. Čuješ li krik majke koja bi prekopala svu krvavu zemlju da nađe bar jednu kost svoga sina, kojoj šum svakog koraka slučajnog prolaznika na njegov podsjeća? Miris njegov osta na bijeloj svilu njene šamije... Miris bijelog krina. Poželi da skine sa sebe bar na trenutak teret života, teret stvarnosti, da smiri dušu crvenim plaštom prekrivenu, da pruži ruke prema nebu i pokloni mu ono što joj jedino osta. Čuješ li krik koji se klanja tišini?! Bol još jezdi. Još uvijek grmljavina otpora odjekuje u svijetu, otpora jedne zemlje i jednog naroda koji samo nije dao svoje i koji nije htio da ga unište. Nisu li i danas dušmanska koplja usmjerena u naše stubove? Ne moramo li i danas čuvati naše postojanje i naš identitet? Toliko godina, a prošli trenuci još uvijek nas u stopu prate. Zato, za sreću doma i naroda, procvjetaj! Progovori, Bošnjače, ne stišiće usne pune riječi! Prostri bosanske čilime i gazi stopama svojih predaka! Ti, koji si spašen od progona i istrebljenja! Cvjetaj, idi ka napretku! Čuvaj zemlju u koju su utkane sve niti i života i smrti! Diči se svojom vjeron, kulturom, tradicijom i jezikom! Ne presijecaj korijen kojem pripadaš! Okiti se znanjem koje ti ne može uzeti ni najljući neprijatelj! Čekaju te uzvici, osmijesi, zemlja koja se pomiče dok hodaš i miluje stopala izranjavana prošlošću.

ADIN MEKIĆ, VII³ razred
OŠ 6. mart, Hadžići



Rezultati javnog konkursa za najbolje literarne radove učenika osnovnih i srednjih škola prispjelih na 11. konkurs JU Muzej „Alija Izetbegović“ ¹⁹		
Poštovani mediji, razgovornici i udionici, JU Muzej „Alija Izetbegović“ je objavio javni poziv za dostavljanje literarnih radova za učenike osnovnih i srednjih škola. Na poziv se odazvalo veliki broj osnovnih i srednjih škola iz cijele Bosne i Hercegovine, pa je Organizatora stiglo ukupno 235 radova, i to 125 iz osnovnih, a 120 iz srednjih škola. Stoga komisija, nakon nekoliko sastanaka i analize svih prispjelih radova, opredijelila se da u kategoriji OSNOVNIH ŠKOLA, nagradi sljedeće učesnike i učenike:		
1. Džana Škabić, OŠ „Kreka“, Kreka, TUZLA	(prva nagrada)	
2. Adin Mekić, OŠ „6. mart“, HADŽIĆI	(druga nagrada)	
3. Bećić Džana, 9. OŠ „Drečnica“, MOSTAR	(treća nagrada)	
U kategoriji SREDNJIH ŠKOLA, komisija se opredijelila da nagradi radove koje prispjeli:		
1. Anja Turburaz, Gimnazija „E. Mujčinović“, TUZLA	(prva nagrada)	
2. Hana Šunjo, Srednja medicinska škola, MOSTAR	(druga nagrada)	
3. Muhamed Jerkić, JU Treća gimnazija, SARAJEVO	(treća nagrada)	

LIKOVNI I LITERARNI RADOVI!



MOJA DOMOVINA

U srcu Balkana, gdje rijeke teku,
U srcu Balkana, gdje planine šapuću,
U srcu Balkana, gdje ljudi dišu,
Krije se moja domovina
Bosna i Hercegovina.

Kada kročiš u nju
osjetiš miris ruža,
gdje se svaka ruka
jedna drugoj pruža.
Miriše kahva s Baščaršije
Dok se čuje ezan s Bijele tabije.

Nidal Proha IV-3



Moja domovina

Moja domovina je Bosna i Hercegovina. Ta riječ u meni budi toplinu, ljubav i ponos. Ona je mom srcu jedinstvena i posebna. Tu sam se rodio, tu odrastam u krugu svoje porodice, idem u školu i tu se osjećam najljepše.

Bosna i Hercegovina, moja domovina, zemlja je koja može da očara svakog svojim prirodnim ljepotama i kulturnim nasljeđem. Bogata je jezerima, rijekama, planinama, vodopadima, spomenicima iz nekih starih vremena. Glavni grad Sarajevo je zanimljiv jer se u njemu može pronaći muslimanska džamija, jevrejska sinagoga, katolička i pravoslavna crkva na istom uglu ulice. Okruženo je olimpijskim planinama – Bjelašnicom, Igmanom, Jahorinom, Trebevićem, a do kojih se može doći žičarom. O mnogim ljepotama moje domovine sam, naravno, saznao iz knjiga, priča, gledao na televiziji, a neke sam posjetio sa svojim roditeljima. Tu je i Mostar u kojem se nalazi Stari most koji posjećuju mnogi turisti širom svijeta. Ispod mosta teče prelijepa hladna rijeka Neretva u koju skaču hrabri skakači sa Starog mosta. Prirodne ljepote Bosne i Hercegovine se mogu naći u njenim ljudima i njihovoj gostoljubljivošću. Volim otići s roditeljima i bratom da prošetamo Baščaršijom, da osjetim taj duh starih vremena. Restorani su svuda okolo mameći nas mirisom ćevapa, bureka i ostalih specijaliteta bosanske kuhinje. Tu su i poslastice, kao što su baklava, hurmašice i kadaif kojima se uvijek obrađujemo kao da proslavljamo Bajram.

Bilal Omerović VI 3



ŠKOLA

U školi se uči,
u školi se pamti,
škola mi je kao
moja druga mati.

Moja je škola
puna znanja i nauke,
u njoj se stižu samo dobre
navike.

Svaki dan nam priliku daje,
da učimo, da se družimo
i da idemo samo više i dalje.

Trudimo se u školi
što bolji ljudi postati
i svoje snove kroz nju ostvariti.

Školo moja mila,
sretan ti rođendan,
dugo nam još godina postojala
i dobra za svoje đake bila!

Dalila Dupovac IV-3

Čuvaj ih, Bosno

Pripadnici 9. brdske brigade
osnovaše je zbog jednog cilja,
da zaštite nevine dobre ljude,
da budu njihova dobra branilja.

Ta snažna jaka prkosna garda
štitila je slobodnu teritoriju.
Pripadnici njeni smjeli i hrabri
branili su bosansku vjeru i historiju.

Poginuli su mnogi ljudi,
dali život da spase svoju zemlju.
Ne smijemo strašnu prošlost
sakriti u neku sjenu.

Zašto smo mi, ponosni Bosanci,
voljni izgubiti našu domovinu?
Zašto smo spremni zaboraviti
te važne ljude što za pravdu ginu?

Nisu šehidi prolili krv
da bi mi dušmanima oprostili.
Nisu oni živote dali
da bi mi zlim ljudima vjerovali.
Bosno moja, zemljo čuda,
pamti sve te hrabre ljude.
Oni su se žrtvovali,
čuvaj ih dok god te bude.

SAMRA KULENOVIĆ VII 1 OSNOVNA
ŠKOLA „6. MART“ HADŽIĆI



Madžak Eldar III-2



Horman Amna III-2



Madžak Zara III-2

JESEN
STIGLA JESEN NA SVE STRANE,
ŽUTIM LIŠĆEM OKIĆENE GRANE,
NESTAO JE CVRKUT PTICA
NEMA VIŠE LASTAVICA,
OTIŠLE SU PREMA JUGU,
DA PROVEDU ZIMU DUGU.
ZRELO VOĆE I POVRĆE,
DOMAĆINI RADO BERU,
ŠLJIVE, KRUŠKE I JABUKE,
KUPUS, KROMPIR I SVE DRUGO,
SVE SE MORA SKLADIŠTITI,
ZIMA TRAJE DUGO, DUGO.
Učenica: ASJA BLAŽEVIĆ, V-1



VOLIM ZIMU
VOLIM ZIMU, VOLIMO JE SVI,
POĐI SA NAMA I TI,
IDEMO NA SNIJEG IGRATI SE MI.
VOLIM ČAJ KOD DRUGA POPITI,
I NA SNIJEGU PONOVO SE IGRATI.
SVE U SVEMU VOLIM ZIMU,
U KUĆI UPALIM KLIMU,
U BLAGO NEBO POGLEDAM
PA KAŽEM SEBI, ZIMA ME ČEKA.
Učenik: TARAHIJA AJAS ARIJAN, V-1



DA te volim, duša zna, draga moja BiH!

Šta je domovina?

Dom, kakva je to riječ ako dušu nema,
ako Bosna nije?

Ibrik uzmi, vode zahvati,
dušu svoju srkleta spasi,
derman nađi.

Hejbet dobrih duša, kaldrmana kroči.

Čeif sa prijateljom podijeli,
riječ koju prohatori.

Avaz imama poslušaj,
dušu srećom obasjaj.

Jazuk doći, a Unom zaplivati,
Baščaršiji glavu ne pomilovati.

Džezvom kahvu, u avliji zalij.

U teftar zapiši:

„Domovino, uvijek ću te voljeti.”

Sara Selimović VII-1



Domovina u srcu!

Iz šumarka,
kraj potoka odjeknu riječ
DOMOVINA!

Srce kucnu,
u srcu odmah zapleše
bosanski ćilim, šareni.

Bosna, kao stećak, ponosna
Prkosi svima!

Divna, čista i odana,
to je domovina, moja draga
Bosna i Hercegovina!

U Bosni se zore najljepše bude
i ovdje žive najbolji ljudi.

Kroz vijekove i vijekove,
Bosna moja uvijek bijaše
najljepša!

U njoj je vjera i naroda mnogo,
Stari, lijepi gradovi i
Sarajevo, srce moje domovine.
Ljepota njena, riječima se ne može
opisati!

Konačno stiže i taj dan
da ti s ponosom čestitam rođendan.
Sara Selimović VII-1



Moja domovina

Domovino, Bosno i Hercegovino, hvala ti što si godinama, desetljećima, stoljećima trpila nas prkosne i ponosne Bosance. I kad smo te bez razloga napuštali, i kada smo te branili. Mi onakvi tvrdoglavi i jednostavni, naprosto smo te morali voljeti. Srce nam je uvijek bilo vezano za tebe i uvijek smo se tebi vraćali. Branili smo te i prkosili lošim ljudima. Mnogo puta si zalivena našom krvlju i mnogo puta razorena. Mi smo te puno puta ponovo uzdizali na noge.

Sjećaš li se kad je srušen Stari most u Mostaru? Sjećaš li se kad je zapaljena Vijećnica? Mi smo ih ponovo izgradili i učinili ih još ljepšim. Digli smo te iz pepela. Sjećaš li se Ilira i Slavena koji su prvi naselili tvoje prostore? Oni su bili prvi koji su te voljeli. Došli su onda i sebični Rimljani koji su na tebi izgradili mnoge puteve i napravili mnoge građevine. Stigli su i na vlast prvi bosanski kraljevi. Još se osjeti ljepota grada Bobovca, rodnog grada porodice Kotromanić. Za vrijeme vladavine kraljeva si i dobila svoj naziv Bosna i Hercegovina. Riječ Bosna potiče od imena rijeke Bosne na čijim je obalama živjelo pleme Besi. Hercegovina je dobila svoj naziv od Stjepana Kotromanića koji je sebe proglasio hercegom od svetog Save. Tada su došle Osmanlije sa novom kulturom i vjerom koja je i dalje ostala u tvom srcu. Bosnom je vladala i austro-ugarska vojska. Kada je Bosna bila u sastavu Jugoslavije, u njoj su održane Olimpijske igre. Olimpijske igre su održane 1984. godine i tada smo stekli titulu najboljih domaćina. Mislim da si tada bila mnogo ponosna na nas. Nažalost, rat te je više puta obišao. Mnoge su majke plakale, a mnogoj djeci je oduzeto djetinjstvo. Sjećaš li se osam hiljada života oduzetih u Srebrenici? Ti si ipak ostala tako čvrsta i jaka i spasili smo te od tih zlih ljudi.

Hvala ti, Bosno, što su tvoji ljudi tako dobri, snažni i nježni bez obzira koliko se puta život poigrao sa njima. Hvala ti, Bosno, što si tako čvrsta i tvrdoglava, a opet snažna da si uspjela prkositi mnogim ratovima. Hvala ti, Bosno, što sam Bosanka, muslimanka i što sam rođena u tebi. Hvala ti, Bosno, što si mi dozvolila da te volim.

Samra Kulenović

VI-1



Zašto volim svoju domovinu?

Bila sam jako mala. Sve što sam znala o svojoj domovini bilo je njeno ime. Međutim, ove noći, saznala sam i za mračna dešavanja koja su se desila na prostoru na kojem sad ja živim.

Sjedosmo jedne, zvijezdama obasjane ramazanske noći, u velikom drvenom šadrvanu, kraj kojega se prostirala nanina bujna bašta. Bijaše to posljedna noć ramazana, noć uoči Bajrama. U čast posljednjega iftara ovoga ramazana, moja porodica okupila se u naninom džennetu - kako smo mi nazivali njeno dvorište.

Nana je već dosta godina živjela sama pa je odlučila sve godine svoje samoće iskoristiti da izrazi svoju kreativnost i ljubav prema svome narodu i tradiciji. Stalno je pripovijedala priče iz svoje mladosti i iskazivala svoju ljubav i lojalnost našoj domovini, Bosni i Hercegovini.

Te noći, upitah je : „Nano, zašto tebi toliko znači ova država , zašto je toliko voliš? Šta je to kod nje toliko posebno?“ Nani se oči zacakliše i pogleda me uzbudljivo, kao da je cijeli svoj život čekala da mi ispriča i pokaže koliko ona zapravo voli svoju domovinu. Svi prisutni, bez progovorene riječi, pogledaše u nanu, žudno isčekivajući njen odgovor. Nana zastade te tišina među svima nama postade toliko glasna, ali niko je nije htio prekinuti, čekajući da progovori.

„Dijete moje drago“, konačno progovori nana i ubi tišinu koja je već ispunila šadrvan, „bilo bi nemoguće ne voljeti i hvaliti ovu državu onoliko koliko ja to radim, nakon svega kroz šta smo moj narod i ja prošli da biste vi sada živjeli slobodno...“

„Kako misliš? Šta se desilo?“ uplašeno, ali zainteresovano upitah nanu.

„Davno je to bilo, ali se svakog detalja sjećam kristalno jasno, ne ponovilo se nikada... U doba kada su tvoji roditelji bili tvojih godina“, nastavi nana, „ljudi našeg naroda morali su živote svoje dati, ali i krv proliti da bi mogli da sačuvaju svoju domovinu. Dušmani htjedoše našu zemlju uništiti, naš narod pod nišanom natjerati da prestane voljeti svoju domovinu i svoju vjeru. Neki od njih su se čak i predali dok su ostali i živote gubili, samo zato što su izabrali pravi put i ne htjedoše tako lahko prepustiti svoju domovinu. O Srebrenici da ne počinjem...“

„Kao metak kroz mene prođe ova informacija. Oči mi se ispuniše suzama. Osjećala sam se kao da sam sama to proživjela. Razočarana sam pogledala nanu, ne govoreći nijednu riječ, očima joj signalizirajući da nastavi pričati. „ Ah Bože! Kud me podsjeti!“, nastavi nana.

„Nano, pričaj nam nešto pozitivno! Molim te! Sutra je Bajram, unesi malo sreće i radosti u nas“, nanu prekide moj rođak. „U pravu si, sine! Trebamo se radovati kraju mjeseca ramazana i veseliti se sutrašnjem danu. Ne volim se prisjećati rata. Rat nije jedini razlog zbog kojeg volim svoju domovinu...“ „Mama, odmori se!“, dobaci moj babo i reče da će on nastaviti da nam priča o našoj domovini.

„Još i dan-danas dušmani ne žele da priznaju da je Bosna jedna divna zemlja. Od Une pa do Drine, pa sve do Miljacke, nižu se samo dragulji, svaki ljepši od onog prethodnog. Krenimo od sarajevskih planina Igmana, Bjelašnice, Trebevića i Jahorine na kojima su se 1984. godine odvale Zimske olimpijske igre. Posjetimo i Bašćaršiju, sebilj koji stoji u srcu grada još od XVI stoljeća i čuva posebnu priču iza sebe. Hajdemo do Neretve! Neretva je kratko definicija savršenstva. Jeste li ikada bili u Mostaru i posjetili Stari most? Voda pod tim mostom kristalno je čista, u toj vodi možete prepoznati ponos i prkos naše zamlje. Stanovnici naše domovine ne znaju cijeniti ove ljepote , ali zato turisti širom svijeta svake godine posjećuju ova mjesta i dive im se više nego bilo koji Bosanci i Hercegovci ! Trebate biti patriote, čuvati svoju domovinu i tradiciju! Šta mislite, da nema patriota poput nas , biste li vi sutra objedovali porodično, jeli baklave , hurmašice, pite ? Odma ću vam dati odgovor , ne biste.

Moji rođaci i ja odmah se oraspoložismo čim se tema preokrenula na nešto pozitivno. Babine riječi ostadoše urezane u moja sjećanja.

„Djeco moja, molim vas, samo znajte da ova zemlja nije samo mala državica u kojoj ste se rodili. Ne trebate otkucavati sekunde do trenutka kad ćete se odseliti iz nje. Cijenite svoju domovinu i budite joj odani i uvijek budite spremni žrtvovati se za nju.“ , dobaci nana te uđe u kuću. Ovo bijaše zadnja rečenica koju je nana rekla te noći. Prošle su godine od tog događaja, ali ne prođe nijedan dan kada ne razmišljam o riječima svoje nane. Ne prođe nijedan dan da ne hvalim svoju domovinu, nijedan dan da ne mislim o ljepotama svoje domovine. Tog je dana u meni oživio veliki patriota koji nikada neće iznevjeriti svoju državu. Moje srce otkucava za moju domovinu, Bosnu i Hercegovinu. Vene u mome tijelu prepliću se poput bosanskih rijeka.

Bosna je biser Balkana.

Nije primijećena toliko koliko su ostale balkanske zemlje, ali je idalje najljepša, prkosna i ponosna. Bosna i Hercegovina je dar od samoga Allaha. Tek sada dobro razumijem zašto moja nana baš onoliko voli našu zemlju, Bosnu i Hercegovinu , a zbog nje sam ja Asja Čović VII-1.

Domovina u mom srcu!

Domovino, Bosno moja,
ja ću uvijek biti tvoja.
Uvijek ću te ja paziti,
mnogo ću te razmaziti.

Glavna tema moga srca
bit' ćeš sve dok ono kuca.
Branit će te svi Bosanci,
tvoji divni vrli znanci.

Tvoji sinovi i kćerke
pazit će na svoje kućerke.
Uvijek bit' ćeš čista, mila,
divna, lijepa kao vila.

Bogata si planinama,
rijekama i ravninama.
Ne damo im da te ruše,
tvoju dušu da isuše.

Zalivena šehidskom krvi,
duša tvoja ljepotom vrvi.
Za tebe su hrabri ljudi živote dali,
da bi njihovi potomci u tebi odrastali.
U mom ćeš srcu uvijek biti,
domovino moja, nemoj to zaboraviti!

Samra Kulenović
VII-1





Poslije tri godine online priredbi naša je škola ponovo zablistala u punom sjaju, otvorivši svoja vrata za mnogobrojne goste, povodom obilježavanja Dana škole. Plesom, pjesmom, glumom, i recitacijom učenici su proslavili 112 godina postojanja i rada škole.

"Sreća se množi samo kad se dijeli!"




Učenici naše škole su učestvovali u šetnji koja je organizovana povodom Dana nezavisnosti BiH.





Bajram dođe, mirišu avlije! 🌸

Učenici trećih razreda sa nastavnicom vjeronauke Medihom Šehić su izradili čestitke!



Planiram upisati Treću gimnaziju u Sarajevu. Ta škola me privukla još prošle godine zbog velikog izbora smjerova kao i vannastavnih aktivnosti za učenike. Također mi se svidjelo to što Treća gimnazija ostvaruje stalnu međunarodnu saradnju razmjenom učenika i nastavnika sa školama Švedske, Austrije, Francuske, Danske, Švicarske, Njemačke i drugih zemalja. Voljela bih imati priliku biti učenik na razmjeni i predstavljati ovu školu. Najvažniju stvar koju sam naučila za ovih devet godina je teško definisati. Naučila sam dosta životnih lekcija koje će me pratiti kako kroz srednju školu, tako i kroz cijeli život. Stvorila sam mnoga prijateljstva. Neka su bila uspješna, neka ne, ali najbitnije je ustati i nastaviti dalje. Moje školovanje je obilježeno s mnogo stvari, ali najvažnije su definitivno prijatelji i nastavnici. Jedna smo od rijetkih generacija učenika koji idu zajedno od prvog razreda i zahvalna sam na tome. Zahvaljujem svome razredu kao i razrednici Elmi Kulović na divnim uspomnama koje ću čuvati cijeli život i na mnogim lekcijama koje su me naučili.



Namjeravam upisati Programiranje na CNC mašinama. Uvijek me zanimalo rad vezan za kompjutere. Također me privlače svi poslovi koje mogu raditi sa ovom srednjom. U ovih devet godina školovanja naučio sam da je uvijek bitno biti „korak ispred“ i planirati unaprijed. Također je veoma bitno biti fin, poštovati druge i ni s kim ne komunicirati na neki negativan način. Veoma je bitno imati i radnu disciplinu, a pored toga i družiti se i uživati.



Moje školovanje su obilježili svi moji prijatelji koje sam stekao od prvog razreda. Također sam jako zahvalan na svim dobrim ljudima koji su me vodili kroz ovih devet godina. Učitelju Hakiji Gegiću i razredniku Abduselamu Zlatarcu dugujem veliku zahvalnost za sve što su me naučili otkad sam prvi put ušao u učionicu.



Želim upisati Prvu bošnjačku gimnaziju u Sarajevu. Od sedmog razreda sam se počela interesovati za tu školu. Smatram da mi pruža velike mogućnosti u mom životu i daljem školovanju te razne izazove sa kojima bih se voljela suočiti.

Također kod Prve bošnjačke gimnazije mi se sviđa što pruža mogućnost raznih stipendija kao što je razmjena učenika. Mnogo mi se sviđaju izbori klubova u kojima bi bilo poželjno da učestvujem kao što su razne dodatne nastave iz predmeta u kojima postižem odlične

rezultate i sportske aktivnosti.

U ovih devet godina školovanja naučila sam da je najvažnije biti disciplinovan, marljiv, redovno završavati svoje obaveze kako bi se na kraju taj trud i isplatio.

Moje školovanje obilježili su razni nastavnici koji su me naučili jako bitnim stvarima u nastavi kao i životne lekcije kojih ću se pridržavati i u budućnosti. Naravno, tu su i mnogobrojni prijatelji koji su svo školovanje bili tu za mene.

Takve prijatelje je teško pronaći i jako sam zahvalna na njima i nadam se da ćemo, iako odemo na različite strane, ostati u kontaktu i lijepim prijateljskim odnosima.



Namjeravam upisati Gazi Husrev-begovu medresu u Sarajevu. Živim u pobožnoj porodici u kojoj mi brat i sestra idu u tu školu. Razlog mog dodatnog interesovanja za ovu školu su predmeti i neki prijatelji koji idu u nju.

Kažu mi da ju je teško upisati. Stoga, želim imati što veći prosjek da bih se uspjela upisati u ovu školu. Govore da trebam cijeniti što sam u osnovnoj, ali ja sam jedva dočekala ovu završnu godinu. Ne želim se puno stresirati i misliti o eksternoj maturi ili svim

testovima jer proći će i to, i hairli. Puno sam naučila u ovih devet godina svog školovanja. Prvo da nije važno i nije vrijedno biti iskompleksiran oko svojih ocjena jer se svima desi imati loš dan, manjak motivacije, doživljaj nekog „neuspjeha“, ali trudom i upornošću sve se da popraviti. Također sam shvatila da nije vrijedno ulaziti u neke svađe s rajom iz generacije, razreda i slično. To su sve sitnice i ne bismo trebali mrziti osobe zbog tih istih sitnica. Najbolje je biti u prijateljskim odnosima sa svima, to sam shvatila tek početkom devetog razreda. Vjerujte, shvativši to, imam jako dobre prijatelje koji su uvijek tu za mene kada mi treba pomoć. Biti fin prema nastavnicima i upravi škole. Jednostavno biti raja, ne na nekulturan način, ali opušten. Moje školovanje su definitivno obilježili moji prijatelji koje sam pronašla u ovoj školi i razrednik Abduselam. Jako sam zahvalna imati ga kao razrednog starješinu, kako to kaže naša nastavnica hemije Senada. Puno stresa, suza i ljutnje potrošila sam na svoje ocjene i nastavnike. To ne preporučujem nikome, nije vrijedno toga. Uzmi knjigu, uči, riješi tu dvcu iz likovnog šta drugo da kažem...



Pedagoški kutak za učenike: Nasilje na internetu –Cyberbullying

U današnje vrijeme **INTERNET i MOBTEL** su važan dio svakodnevnice. Pomoću njih se može učiti, igrati, družiti i još mnogo toga! Internet pruža različite zanimljive i korisne informacije, ali isto tako krije i neke opasnosti, od kojih je jedna i **NASILJE**.

INTERNET NASILJE– je ponašanje koje ima za cilj povređivanje ili uznemiravanje djeteta, a događa se na internetu ili putem mobitela. Osobe koje se ponašaju nasilno mogu biti poznate ili nepoznate, ali ako je riječ o tvojim vršnjacima, tada se ovaj oblik nasilja zove-**Cyberbullying**. U današnje vrijeme **CYBERBULLYING** jedan je od najvećih izvora **STRESA** kod djece. Djeca često pokušavaju da sakriju takve događaje od roditelja i nastavnika, ali se ipak mogu primijetiti promjene u ponašanju koje ukazuju na problem. Dijete počinje iznenadno izbjegavati prijatelje i društvene događaje, ima probleme s koncentracijom, popušta u učenju, javlja se gubitak interesa, pa sve do zloupotrebe psihoaktivnih supstanci i alkohola, izražavanje mračnih misli i želje za samoubistvom. Posljedice internetskog nasilja uključuju probleme s mentalnim zdravljem, povećan stres, depresiju, nasilno ponašanje i nisko samopoštovanje.

Osim promjena u ponašanju, uočljive su i fizičke posljedice. Mogu uključiti i psiho-somatske simptome kao što su nesanica, poremećaj prehrane, stomačni problemi i sl. Sa psihološkog aspekta mladi ljudi imaju jaku potrebu za pripadnošću i da budu prihvaćeni- dok internet nasilje izaziva suprotan efekat. Djeca - žrtve internet nasilja - mogu izgubiti interes za školu. Često imaju mnogo više izostanaka s nastave od djece koja nisu zlostavljana.

Kako se osjeća dijete koje je žrtva nasilja na internetu?

Za razliku od nasilja koje se dešava uživo, djeca često ne znaju ko je s druge strane interneta pa nasilnik ima veću anonimnost. Broj ljudi koji je uključen u nasilje i koji je vidio prijeteći sadržaj je nepoznat, a sadržaj je stalno dostupan na internetu. Dijete, koje je **ŽRTVA NASILJA**, može se osjećati uplašeno, tužno, usamljeno, zabrinuto, posramljeno.... Ako se nasilje desi **TEBI ili nekom TVOM DRUGU** važno je da znaš da **NISTE SAMI!**

Kako spriječiti nasilje na internetu?

Prvi korak da **NASILJE na INTERNETU** prestane je da o njemu pričaš s nekom odraslom osobom i potražiš **POMOĆ!**

Internet nasilje uključuje:

- širenje neugodnih informacija (istinitih ili lažnih);
- stvaranje grupne mržnje i nedopušteno objavljivanje nečijih fotografija ili videa;
- otvaranje lažnih profila;
- širenje uvredljivih komentara, slika i videa;
- krađa lozinke i namjerno isključivanje osobe iz grupe;
- praćenje i uznemiravanje;
- kreiranje sadržaja na internetu (priče, slike) na račun vršnjaka.

VAŽNO JE ZNATI!

- Nikad nije tvoja KRIVICA ako te neko uznemirava preko interneta ili mobitela.
- Razgovaraj s odraslom osobom kojoj vjeruješ (roditelj, šira porodica, učitelj, nastavnik, stručna služba škole).
- Sačuvaj sadržaje i ne odgovaraj na prijeteće poruke.
- Sačuvaj prijeteće poruke da ih možeš pokazati odraslima koji ti mogu POMOĆI.
- Nasilje na internetu možeš prijaviti RODITELJIMA, ŠKOLI ILI POLICIJI!

Zaključak: Vrlo je važna kontrola roditelja - koje informacije dijete traži na internetu, da li su one primjerene uzrastu jer, ako nisu, mogu se negativno odraziti na mentalno zdravlje djeteta!

Stručna služba škole





Živimo drugarstvo, ljubav, razlike

Učenici IV-3 odjeljenja

2. april - Svjetski dan svjesnosti o autizmu

**Sutra nosimo
plavo!!!**

**2. april
Svjetski dan
svjesnosti o
autizmu**

21.3. - Dan osoba sa sindromom Down

„Ljepota življenja je u različitosti!“

JU OŠ „6.mart“ Hadžići

„Ispici pa reci“ - Dan ružičastih majica

Radionice su realizirane u:

III3 „Kako izražavam zahvalnost?“

V2 „Pruži ruku i prijatelj budi!“

I3 „Ja sam prijatelj, budi i ti!“





Šetnjom kroz Hadžiće, u pratnji učiteljica, učenici IV razreda obilježili su Dan ružičastih majica. U atriju škole učenici II-2 odjeljenja plesnom koreografijom uz pjesmu „Nasilje nije hrabrost“ pozdravili su ovu aktivnost i učenike četvrtih razreda. Ovu aktivnost podržala je Stručna služba i Uprava škole.





"Budite odvažni i usudite se isprobati nove puteve!" N.
SRETNNO, MATURANTI 🎓



Eksturziija učenika IX razreda, Dubrovnik!



06.10.2023.

Dođu tako dani u kojima se zajedno prepliću sreća i tuga, a evociranje uspomena na najdivnije momente provedene zajedno izmame osmijeh i suze na licu. Dan, kada se proslavlja veličanstveni poziv - Dan učitelja, bio je idealna prilika za ispraćaj naših dragih kolega u zasluženu penziju. Uz najljepše želje i dug penzionerski vijek kolektiv je ispratio svoje kolege Mensuru Dupovac, Fadila Bandića i Sabdudina Fejzovića.



Učinite od svog života ono najbolje što on može biti - nevjerojatno iskustvo, ispunjenje i putovanje. Stvorite ravnotežu tijela, uma i duše - budite svoji, živite slobodno, negujte znanje, cijenite iskustvo, volite i budite sretni...



JU OŠ "6. mart" Hadžići



● „Prijatelji ne broje hromosome“

Dana 21.3. 2023. godine, Vijeće učenika naše škole uzelo je učešće na radionicama „Prijatelji ne broje hromosome“ povodom obilježavanja Svjetskog dana osoba sa sindromom Down. Realizatorice ovih radionica bile su Sara Čahtarević, Aida Šahinović, Mirnesa Mustajbegović, Magdalena Milišić, studentice IV godine Pedagoškog fakulteta Odsjeka za edukaciju i rehabilitaciju. Radionice su realizirane u K-HUB-u JU „KSIRC“ Hadžići.

Koristimo priliku da zahvalimo ovim mladim djevojkama koje su svoje znanje iz oblasti o Down sindromu podijelile s našim učenicima.



8.11.2023, „Budi mi prijatelj!“

Učenici petih razreda OŠ „6. mart“ Hadžići, u pratnji svojih učiteljica, prisustvovali su edukativnoj radionici „Budi mi prijatelj!“. Tema je organizirana u skladu sa nadolazećim 3. decembrom, kada obilježavamo Dan osoba sa invaliditetom. Ovi mali, a veliki ljudi, potkovani znanjem, u interakciji su pokazali da su dorasli temi i da su spremni pomoći svojim vršnjacima. Organizator radionice je JU „KSIRC“ Hadžići u saradnji sa koordinatoricom projekta Aidom Pehlivan. Radionica se realizira pod pokroviteljstvom općine Hadžići. Oficijelna stranica općine Hadžići



07.11.2023. članovi Vijeća učenika prisustvovali su edukativnoj radionici „U susret inkluziji“ koja se realizirala u HUB-u u okviru projekta „Pružanje socijalne podrške za djecu i mlade s teškoćama u razvoju“. Realizator: Aida Pehlivan.

14.12.2023. GORSKA SLUŽBA SPAŠAVANJA - HADŽIĆI U POSJETI NAŠOJ ŠKOLI

Članovi Gorske službe spašavanja - Hadžići posjetili su učenike VII razreda. U sklopu nastave Tjelesnog i zdravstvenog odgoja realizirali su praktične i teoretske edukacije iz planinarstva, odnosno bezbjednog kretanja tokom planinarskih pohoda te eventualnih spašavanja i pravila ponašanja u prirodi. U ovoj školskoj godini Ministarstvo za odgoj i obrazovanje Kantona Sarajevo uz koordinaciju JU „Institut za razvoj preduniverzitetskog obrazovanja“ Kantona Sarajevo realizira program „Škole planinarstva“ koji obuhvata 4.000 učenika gdje učenici imaju zadatak upoznati se sa planinarskim stazama Bjelašnice, Igmana i Trebevića.



21.12.2023. PREVENCIJA ZLOUPOTREBE PIROTEHNIČKIH SREDSTAVA, RAD POLICIJE U ZAJEDNICI

U našoj školi je održano predavanje na temu „Prevenција zloupotrebe pirotehničkih sredstava“ za učenike VIII razreda naše škole. Tokom prezentacije policijski službenik Adis Šukić je istakao opasnosti i posljedice pri upotrebi pirotehničkih sredstava, posebno kod djece, ali i odraslih. Za posjedovanje, paljenje, ustupanje, prodaju ili kupovinu petardi i drugih pirotehničkih sredstava predviđene su Zakonom o prekršajima javnog reda i mira novčane sankcije. Zahvaljujemo PU Hadžići na saradnji.



ŠKOLA RODITELJSTVA Program Škole roditeljstva krenuo je sa implementacijom u četvrtak, 21.12.2023.godine, kada je održana prva edukativna radionica za roditelje pod nazivom „Odgojni stilovi roditelja“.

Podsjećamo da se Program Škole roditeljstva implementira uz podršku Ministarstva za odgoj i obrazovanje KS i JU „Institut za razvoj preduniverzitetskog obrazovanja“. Koristimo priliku da izrazimo zahvalnost roditeljima za saradnju.



Održana 8. sportska manifestacija „Bicikl u mom gradu 2023“

U sklopu obilježavanja Dana planete Zemlje u Hadžićima je održana sportska manifestacija pod nazivom „Bicikl u mom gradu“. „Bicikl u mom gradu“ je tradicionalna, osma po redu, manifestacija kojom se promovira biciklizam i bicikl kao poželjno prevozno sredstvo i nastavak je aktivnosti koje su provele škole sa područja općine Hadžići u povodu obilježavanja 22. aprila - Dana planete Zemlje.

Treba kazati da su organizatori biciklijade naše osnovne škole, općina Hadžići, JU „KSIRC“ Hadžići, Policijska stanica HADŽIĆI te firma „Dream design“ Hadžići.



Mi ukrašavamo našu školu!



PJESMA MIRA

Noć spušta svoju tminu.
 Tišina se slaže u svoj red a žuti
 mjesec kao tanki srp se raspojasa.
 Sanjam snove u boji,
 kovah tako bolji svijet.
 Poželjeh biti nota, riječ u glasu
 ljubavlju obojena, koju će vjetar vinuti
 u cijeli svijet.
 Puštam akorde duše, sviram notama
 pjesmu mira.
 Boli me pomisao da su note prazne,
 da su samo vjetar što suho lišće nosi.
 Ne dam strahu da uništi san.
 Uspravljam vrat ka nebu i letim krilima ptice.
 Letim između zvijezda a nijedna me ne zamjećuje.
 Širi mi se pogled, obuzima strah od prostranstva.
 Vidim cijeli svijet.
 Prosipam mir kao zvijezda srebreni prah.
 Otopih sva hladna srca i ugrijah promrzle duše.
 Kao snažan vjetar, odnesoh svu tugu, bol i jad ovog svijeta.
 Zamirisa čistota kao bijeli krin.
 O, kako je dobro i lijepo kad krv ne kaplje ni iz jednog srca.
 Kad se svijetu ljubavi i mira, latice otvoriše.
 Ugleda me Sunce.
 Jutro uništi sve.
 Gdje su one riječi,
 note,
 onaj srebreni prah?
 Svitanjem dana i izdajom noći nesta sve.

Adin Mekić VII
 OŠ „6. mart“ Hadžići





Prvi pohod u sklopu „Škole planinarstva“ za učenike VII razreda
Igman, 22.3.2023. godine.

Učenici VII razreda naše škole, zajedno sa vršnjacima iz OŠ „Hadžići“ Hadžići i OŠ „9. maj“ Pazarić, išli su na drugi pohod „Škole planinarenja“ na planinu Trebević. Na mjestu okupljanja učenike i nastavnike dočekali su vodiči planinari i upoznali ih sa kulturom ponašanja na planini i pravilima planinarenja. Dan je prošao u sticanju novih znanja, pogledu na naš glavni grad i susjedne planine. U pratnji učenika bili su nastavnici: Elmaz Selmanović, Đenan Mujan, Eldina Matoruga i Medina Mehanović.



Škola skijanja!




Ko je savijen nad knjigom, taj uspravno hoda!

Knjiga. Kako to lijepo zvuči!

Knjiga. Asocijacija na čitanje, znanje, spoznaju, uživanje, mudrost,.....

„Osoba koja ne čita nema nikakvu prednost nad onim koji ne zna čitati.“

Mark Twain



Navika čitanja formira se u ranom djetinjstvu. Stoga je vrlo važno koliko se vremena čitanju posvećuje u ranom djetinjstvu.

„Ako želite da vam djeca budu inteligentna, čitajte im bajke. Ako želite da budu još inteligentnija, čitajte im još više bajki.“

Albert Einstein



„Pojavom novih tehnologija interes za čitanjem je manji, ali knjiga opet zauzima bitno mjesto kod učenika. Učenici u osnovnoj školi, prema NPP-u, trebaju pročitati potreban broj knjiga obavezne školske lektire. Naša biblioteka posjeduje taj potreban broj knjiga. Neke naslove učenici imaju priliku čitati i u pdf formatu na svojim uređajima, ne umanjujući vrijednost knjige u pisanoj formi. Pandemija virusa COVID-19 je također privremeno knjigu udaljila od učenika. Povratkom učenika u učionice knjiga se vratila na **svoje mjesto**“, riječi su naše bibliotekarke Nevzete Sidran.



MOJA DOMOVINA - BOSNA I HERCEGOVINA


Bosna žubori

Bosna žubori; nad pitomim krajem
Anđeo mira širi laka krila -
I lahor pirka, k'o da sitnom cvijeću
Mistične priče šapće večer mila.

Bosna žubori i - k'o rujne usne
Cvjetne tiho obalice ljubi,
Pa tamo negdje, poput moje misli,
Kraj tvog se dvora u daljini gubi.

Bosna žubori, a s barčicom mojom
Nestašno sitni igraju se vali;
- Ah, čini mi se, moj anđele, tako
Da ljubav tvoja srcem mi se šali.

Musa Ćazim Ćatić



1. mart obilježava se kao **Dan nezavisnosti Bosne i Hercegovine** još od 1992. godine. Naime, 29. februara i 1. marta 1992. godine, u Bosni i Hercegovini, održan je **referendum o nezavisnosti Bosne i Hercegovine od SFRJ**. Većina Bosanaca i Hercegovaca izjasnila se tada pozitivno - glasali su za **demokratsku i nezavisnu Bosnu i Hercegovinu**, državu ravnopravnih građana.

E da ednom / Prestanu / Gorčine

GORČIN

*Ase ležit
Vojnik Gorčin
U zemlji svojoj
Na baštini
Tuždi*

*Žih
A smrt dozivah
Noć i dan*

*Mrava ne zgazih
U vojnike
Oдох*

*Bil sam
U pet i pet vojni
Bez štita i oklopa
E da ednom
Prestanu
Gorčine*

Zgiboh od čudne boli

*Ne probi me kopje
Ne ustrelj strijela
Ne posječe
Sablja*

*Zgiboh od boli
Nepreboli*

*Volju
A djevu mi ugrabiše
U robje*

*Ako Kosaru sretnete
Na putevima
Gospodnjim
Molju
Skažite
Za vjernost
Moju*





Mehmedalija Mak Dizdar: Pjesnik koji je Bosnu definirao stećcima

"Stećak je za mene ono što nije za druge, ono što na njemu i u njemu nisu drugi umjeli ni znali da vide. Jest kamen, ali jeste i riječ, jest zemlja, ali jeste i nebo, jeste materija, ali jeste i duh, jest krik, ali jeste i pjesma, jest smrt, ali jeste i život, jest prošlost, ali jeste i budućnost."


„Satima sam stajao pred stećcima nekropola ove zemlje smještenim pod noge prastarih šuma. Sa kamenih gromada ulazili su u mene raznoliki simboli sunca, isprepletenog bilja i ispruženih ljudskih ruku. Noću sam bio opkoljen zapisima sa margina starih knjiga čiji redovi vrište upitnicima. U pohode mi tada dolazi spavač ispod kamena.“

Mehmedalija Mak Dizdar

Ovo je jedan od zapisa sa stećka: „Se leži Helja, mnoge zemlje obideh i domo i pošteno postah i na svojih baštin legoh.“ Riječi „na svojih baštin“ govore nam o snažnom vezivanju bosanskog čovjeka za zemlju Bosnu.

„Nadgrobni spomenici (stećci) srednjovjekovne Bosne i Hercegovine nešto su posebno u našoj baštini. Bijelo mramorje ostalo je da gordo stoji i da svojim izgledom i izuzetnim uklesanim tekstovima svjedoče o jednom davnom vremenu.“ (Ćamil Sijarić)

Mehmedalija Mak Dizdar (1917-1971) jedan je od najvećih bosanskohercegovačkih i bošnjačkih pjesnika. Objavio je više pjesničkih knjiga (*Vidovopoljska noć*, *Plivačica*, *Okrutnosti kruga*, *Koljena za Madonu*, *Minijature...*), a njegova zbirka *Kameni spavač* svrstava se među najznačajnije bosanskohercegovačke tvorevine 20. stoljeća. Sastavio je i poznatu antologiju *Stari bosanski tekstovi*. Tragom baš ovih „starih bosanskih tekstova“, pjesnik je u svojoj pjesničkoj zbirci *Kameni spavač* velika, a jednostavna pitanja o svojoj domovini, zaodjenuo ljepotom starog (arhaičnog) jezika i tako probudio njegovu izvornu, tajanstvenu snagu.



VICEVI

1. Vrijeme rasprodaje

Učiteljica: " Kupujem, kupuješ, kupuje, kupujemo, kupujete, kupuju... Koje je to vrijeme?"

Mujo odgovara : " Vrijeme rasprodaje!!"

2. Čekić

Igraju dva eksera košarke. Dođe čekić i zakuca.

3. Rezultat

Govori učiteljica Perici:

- "Pusti te sportske novosti, malo slušaj matematiku, reci mi koliko je 3:3?"

Perica:

- "Nerješeno."

4. Autobus

Idu djeca na ekskurziju i pokvari se autobus. Jedan učenik kaže:

- Ja znam šta se pokvarilo! Ja znam šta se pokvarilo!

Svi mu rekoše da šuti, ali on opet:

- Ja znam šta se pokvarilo! Ja znam šta se pokvarilo!

Djeca rekoše:

- Pa hajde kaži šta se pokvarilo?

A dječak će:

- Pa AUTOBUS.

ZANIMLJIVOSTI

Jeste li znali:

- Da je najjači mišić u ljudskom tijelu jezik?
- Da komarci imaju zube?
- Da je nemoguće kihnuti otvorenih očiju?
- Da je Coca-Cola originalno bila zelene boje?
- Da je lubenica povrće, a paradajz voće?
- Da puževi imaju 4 nosa?
- Da crv ima pet srca?
- Da na svijetu ima 6.800 jezika?
- Da možete zapaliti vatru pomoću leda?

ZAGONETKE

1.Sladak sam kao šećer i hladan kao led. Ako me na toplo staviš više nisam.....

2.Velik sam kao kuća, a malenog se miša bojim. Nos mi je do poda, čak i kad stojim.

3.Po leđima crne, po trbuhu bijele,u proljeće dođu, u jesen se sele.

4.Crna sam kao noć, uvijek te pratim. Po mraku se skrivam, po danu se vratim.

5.Nemam ruku, nemam nogu, ali vješto skočit mogu.Niti jednog nemam ugla, okrugla sam kao kugla.

6.Šta ima korijene, a nikad ne raste?

7.Šta leti, a nema krila?

Odgovori:

1.Sladoled

2.Slon

3.Lastavice

4.Sjena

5.Lopta

6.Matematika

7.Vrijeme



OSMOSMJERKA

P	L	R	A	B	M	U	B	R	J	M	T	P	
D	K	A	L	B	O	R	S	T	A	B	L	O	
R	V	D	T	U	K	A	I	K	Z	V	O	T	
V	A	Z	A	I	O	K	E	Z	A	A	S	O	
O	R	O	B	A	C	C	P	T	V	R	A	K	
R	A	M	B	O	N	E	A	K	A	M	E	N	
E	T	U	O	U	R	V	Š	A	C	E	J	D	
D	E	R	S	K	A	K	A	V	A	C	P	O	
S	J	E	N	A	R	T	I	K	A	P	Č	N	
A	V	A	R	T	E	J	I	V	C	U	E	R	
T	L	J	M	I	V	O	D	O	L	P	L	A	
K	U	Ć	A	A	N	A	N	A	S	I	A	P	
V	I	Š	N	J	E	P	R	O	Z	O	R	I	S

Pronađi u osmosmjerci ove riječi.

PČELA

RAK

OSA

SUNCE

TRAVA

CVIJET

POTOK

ZEKO

PAS

STABLO

JAZAVAC

TLO

BUMBAR

KAMEN

PLODOVI

OKO

VIŠNJE

KUĆA

PROZORI

SPARNO

DJECA

LATICE

VJETAR

JAMA

DRVORED

SJENA

SAT

KLAN

OBLAK

VAZA

MRAV

SKAKAVAC

KUT

RAD

ROBA

ANANASI

ARTIK

TAVA

PUP

PAŠA

ZBOR

URE

SOB

AR

RAK

Rješenje: _____

Ako ispravno rješite osmosmjerk, preostala slova daju rješenje osmomjerk

Svijete, želimo mir i radost za svako dijete!



Rođeni ste s potencijalom.
Rođeni ste s dobrotom i povjerenjem.
Rođeni ste s idealima i snovima.
Rođeni ste s veličinom.
Rođeni ste s krilima.
Niste predviđeni za puzanje, stoga nemojte.
Imate krila.
Naučite ih koristiti i poletite.

Rumi

„Behar“ uredile i pripremile nastavnice:

Fuada Demić, Aida Šehović, Naida Milišić i članovi novinarske sekcije;
Samra Kulenović, Šejla Podrug, Asja Čović, Sara Selimović, Hana Mujić,
Fatima Bašić, Adna Opanković, Nadža Tufo i Ajnur Gavranović.